

Na osnovu člana 133. stav (1) tačka r) Zakona o policijskim službenicima Zeničko-dobojskog kantona (Službene novine Zeničko-dobojskog kantona broj 8/06, 20/07, 9/09 i 14/13), na prijedlog policijskog komesara, ministar Ministarstva unutrašnjih poslova Zeničko-dobojskog kantona uz konsultaciju sa Ministarstvom zdravstva Zeničko-dobojskog kantona d o n o s i:

## **PRAVILNIK**

### **O ZDRAVSTVENIM PREGLEDIMA POLICIJSKIH SLUŽBENIKA MINISTARSTVA UNUTRAŠNJIH POSLOVA ZENIČKO-DOBOJSKOG KANTONA**

#### Član 1. (Predmet)

Ovim Pravilnikom propisuju se mjerila i način utvrđivanja opće i posebne zdravstvene sposobnosti koju moraju ispunjavati:

- a) kandidati za prijem na poslove policijskog službenika u Ministarstvu unutrašnjih poslova Zeničko-dobojskog kantona (u daljnjem tekstu: Ministarstvo);
- b) policijski službenici Ministarstva.

#### Član 2. (Mjerila zdravstvene sposobnosti)

- (1) Mjerila zdravstvene sposobnosti čine:
  - a) opća zdravstvena sposobnost i
  - b) posebna zdravstvena sposobnost
- (2) Opća zdravstvena sposobnost podrazumijeva sposobnost koja omogućava nesmetano obavljanje poslova i zadataka bilo kojeg drugog radnog mjesta.
- (3) Posebna zdravstvena sposobnost vezana je za specifičnost poslova i zadataka policijskih službenika i podrazumijeva posebne specijalističke preglede.

#### Član 3. (Zdravstvena ustanova)

Provjera zdravstvene sposobnosti iz člana 2. ovog Pravilnika se obavlja u odgovarajućoj zdravstvenoj ustanovi koju Ministarstvo odabere i sa kojom zaključi ugovor o obavljanju poslova specifične zdravstvene zaštite u skladu sa važećim propisima ( u daljnjem tekstu: ovlaštena zdravstvena ustanova).

#### Član 4. (Mjerila za utvrđivanje zdravstvene sposobnosti)

- (1) Opća i posebna zdravstvena sposobnost za osobe iz člana 1. ovog Pravilnika koja čine uvjet za obavljanje poslova policijskih službenika, utvrđuje se na osnovu lješkarskog/zdravstvenog pregleda koji obuhvata:
  - standardne laboratorijske pretrage: SE, KKS, ŠUK, urin, urea, kreatinin, holesterol, trigliceridi, transaminaze, bilirubin u krvi;
  - RTG pluća sa očitanjem specijaliste pneumoftiziologa;
  - okulistički pregled;
  - ginekološki pregled ( za žene);

- neuropsihijatrijski pregled;
- psihološko testiranje;
- internistički pregled EKG;
- ORL pregled s audiometrijom;
- testovi na droge;
- spirometrija;
- pregled interniste, EKG (pregled kardiologa i ultra zvuk srca po indikacijama);
- ultra zvuk (UZ) abdomena;
- pregled stomatologa;
- obavezan uvid u zdravstveni karton porodične medicine ili izvještaj porodičnog ljekara o zdravstvenom stanju, ranijem liječenju i medicinskoj dokumentaciji;
- ocjenu radne sposobnosti specijaliste medicine rada sa zaključnim mišljenjem;
- izvještaj o izvršenim pregledima.

(2) U zavisnosti o indikacijama, osim pregleda navedenih u stavu (1) ovog člana, nadležna zdravstvena ustanova može konsultirati i druge doktore medicine određene specijalnosti.

(3) Zdravstvena sposobnost kandidata za prijem na poslove u Ministarstvo utvrđuje se na zdravstvenom pregledu na osnovu mjerila iz stava (1) ovog člana.

(4) Zdravstvena sposobnost policijskih službenika na redovnom i vanrednom zdravstvenom pregledu utvrđuje se na osnovu mjerila iz stava (1) ovog člana prilagođenim prirodnom opadanju pojedinih funkcija u skladu sa životnom dobi policijskih službenika .

(5) Prije početka zdravstvenog pregleda policijski službenici, odnosno kandidati za prijem na policijske poslove su dužni priložiti potvrdu ili izvještaj svog porodičnog ljekara (uvid u zdravstveni karton) na kojem će se konstatovati zdravstveno stanje policijskog službenika o ranijem liječenju, na obrascu koji je sastavni dio ovog Pravilnika (prilog br.1.)

## Član 5.

### (Ocjene zdravstvene sposobnosti)

(1) Zdravstvenu sposobnost kandidata za prijem na poslove policijskog službenika iz člana 1. tačka a) ovog Pravilnika, na osnovu obrade koju je obavila, ovlaštena zdravstvena ustanova ocjenjuje ocjenom „sposoban“ ili „nesposoban“.

(2) Zdravstvenu sposobnost policijskih službenika iz člana 1. tačka b) ovog Pravilnika, na osnovu obrade koju je obavila, ovlaštena zdravstvena ustanova ocjenjuje ocjenom:

- a) sposoban,
- b) nesposoban (uputiti na ocjenu invalidskoj komisiji),
- c) sposoban sa ograničenjem i
- d) privremeno nesposoban (potrebno dodatno liječenje i ocjena nakon završenog liječenja) .

(3) Zdravstvena ustanova je dužna čuvati dokumentaciju svih pregledanih osoba.

(4) Ocjena o zdravstvenoj sposobnosti se dostavlja Odsjeku za pravne, kadrovske poslove i logistiku Uprave policije.

## Član 6.

### (Redovni zdravstveni pregledi)

Redovni zdravstveni pregledi će se obavljati periodično i to:

- a) za policijske službenike koji obavljaju poslove kontradiverzone zaštite i pripadnike Jedinice policije za podršku - svake dvije godine i
- b) za ostale policijske službenike - svake četiri godine.

Član 7.  
(Organizacija obavljanja zdravstvenih pregleda)

(1) Policijski službenici dužni su pristupiti zdravstvenom pregledu u rokovima utvrđenim članom 6. ovog Pravilnika, kao i vanrednom zdravstvenom pregledu na kojeg upućuje policijski komesar na obrazložen prijedlog rukovodioca organizacione jedinice .

(2) Organizaciju provođenja, kontrolu i evidenciju pravovremenog obavljanja zdravstvenih pregleda obavlja Odsjek za pravne, kadrovske poslove i logistiku Uprave policije .

Član 8.  
(Posljedice negativne ocjene)

(1) Zdravstvena ustanova iz člana 3. ovog Pravilnika će ocijeniti nesposobnim policijskog službenika kod kojeg utvrdi bolest, stanje, povredu ili njihovu posljedicu, odnosno tjelesni nedostatak koji je prepreka za uspješno obavljanje poslova policijskih službenika u Ministarstvu ili kada postoji kombinacija više kontraindikacija koje zbirno čine prepreku za rad na povjerenim poslovima u Ministarstvu.

(2) U slučajevima iz stava (1) ovog člana, policijski službenik će se obratiti odgovarajućoj zdravstvenoj komisiji koja je ovlaštena da procjenjuje zdravstveno stanje zaposlenih osoba, te će se dalje postupiti u skladu sa zakonskim propisima iz oblasti radnih, zdravstvenih ili drugih propisa u tijelima uprave u Federaciji Bosne i Hercegovine.

Član 9.  
(Stupanje na snagu)

Ovaj Pravilnik stupa na snagu narednog dana od dana objavljivanja na oglasnoj ploči Ministarstva, a objavit će se u „Službenim novinama Zeničko-dobojskog kantona“.

Broj: \_\_\_\_\_/14.

Datum: \_\_\_\_ . \_\_\_\_ . 2014. god

M I N I S T A R

Rifat Delić

PRILOG BR.1

POTVRDA PORODIČNOG LJEKARA

Potvrđujem da \_\_\_\_\_ rođen/a \_\_\_\_\_  
(ime i prezime)

sa prebivalištem u \_\_\_\_\_

1. NE BOLUJE OD HRONIČNIH I PSIHIČKIH BOLESTI

2. IMA POTVRĐENE SLJEDEĆE HRONIČNE I PSIHIČKE BOLESTI:

\_\_\_\_\_  
\_\_\_\_\_  
\_\_\_\_\_

3. UZIMA POVREMENO ILI STALNO SLJEDEĆE LIJEKOVE:

\_\_\_\_\_  
\_\_\_\_\_

PUNA ADRESA ORDINACIJE I TELEFON:

\_\_\_\_\_  
\_\_\_\_\_  
\_\_\_\_\_

(žig i potpis doktora porodične medicine)

MP